

維新辛亥年秋中元節重刊

文昌帝君救劫保生經

玉山祠藏板 陸氏

保生經

文昌帝君百字銘

凡夫悅樂山受持

寡慾精神爽。多思氣血衰。少杯不亂性。忍氣免傷財。  
貴自辛勤得。富從儉約來。溫柔終益己。彊暴必招災。  
正直真君子。刁唆是禍胎。暗中休放箭。巧處藏些罍。  
養性須修善。欺心枉喫齋。倫常勿乖舛。族黨要和諧。  
安分身無辱。防非口莫開。畏天存一念。災退福星回。

玉山祠集善堂生等敬錄

Ritts  
2.1569

觀世音菩薩重刊葆生永命經序

光緒廿二年十一月廿四日  
降筆於汕頭慕道仙館

吾具慈悲度世之心。嘗留救苦心經各種傳世。原欲世人葆厥性真。永保生命。遠嗜慾而重道德。去紛繁而尚義仁也。無如世人執迷不悟。更有笑為佛說。而指為非吾儒所宜言者。吁人心風俗至此。途愈迷津愈遠矣。乃吾度世之心無已。而文武二帝救世之心。則亦無已焉。經著數十種。文咸幾萬篇。無時無刻。不形悲天憫人之心。無處無方。不露救苦消災之志。近又降有葆生永命二經。言金玉。字字著龜。以此經醒葆生經。

葆生經

觀世音菩薩序

世。將見葆其天良真性。濟數百世民生。永作寶筏慈航。救千萬人性命。其功匪出聖賢下哉。茲爾諸子有心。重刊是經。以傳於世。其功誠不可思議矣。老衲喜甚。因弁數言於其首。字佑帝君序。

洪荒既闢。自有生民。景運初開。誕敷文教。渾渾噩噩。皆備五倫。樸樸醕醕。常存八目。葆其元氣。休哉無忝所生。永發天良。允矣自言配命。咸歌盛世。順天則於無知。共享昇平。忘帝力乎何有。降及春秋戰國。禍起人心。汨於南宋頹唐。變生風俗。

孔孟繼作。嚴筆削而大闢異端。賢哲挺生。講經史而尊崇聖道。孰意今日。迥異昔年。八目漸湮。盡是人身獸行。五倫幾沒。無非狗黨狐羣。宇內茫茫若斯。天下滔滔皆是。嗟夫。孔孟不作。孰挽狂瀾。賢哲莫生。奚為砥柱。誰復扶衰救弊。芸芸者難葆其生。何人做智曉愚。蚩蚩者奚永其命。乃有文武二帝。垂經救劫。上體天心。降筆化頑。下扶國政。情殷赤子。無一心不痼瘵為懷。念切蒼黎。無一日不瘡痍在抱。不辭勞瘁。神道立言。不避塵囂。現身說法。葆生為目。畀欲生者尋妙藥於

葆生經

孚佑帝君序

二

此經。永命是顏。願知命者覓良方於斯訓。以八目為八珍之散。固本靈丹。以五倫為五香之丸。延年妙品。智慧皆服。朝夕勿替。除錮疾遂可葆生。老少常茹。寒暑不離。起沉痾方能永命。有不同登壽寓。遠臻懷葛之民。自然共樂長春。復觀唐虞之世。是為序。

聖清光緒十七年辛卯孟秋朔降於寶城經堂。

吳川後學李國璠 龐國賓

譚成萃 董沐敬書原本

文昌帝君葆生新經誦本

至心皈命禮

凡誦經者。志心誠意。齋沐衣冠。焚香。三跪九叩。禮跪誦聖號神咒寶誥畢。開經朗誦。

玉皇大天尊。玄穹高上帝。

尋聲赴感。太乙救苦天尊。

九天應元雷聲普化天尊。

玉虛師相。玄天上帝。金闕化身天尊。

文昌帝君。開心聰明神咒。

葆生經

三

九天大帝。身披白衣。日月照耀。乾坤幹隨。有能敬者。聰明如斯。黃老丹元。與道合宜。五神守衛。八聖護持。誦之不輟。萬神赴機。我司大化。光曜生輝。心閑茅塞。祛鈍除迷。誦之萬遍。文治瓊瑰。詞源浩浩。筆陣風馳。九天開化。萬章洞微。元皇上令。勿稽勿違。急急如元皇上帝律令勅。

文昌保德宏仁大帝寶誥。

連上聖號咒。俱各跪誦三遍畢。然後接誦經文。

不驕帝境。玉真慶宮。現九十八化之行藏。顯億萬千種之神異。飛鸞開化於在在。如意救劫以生生。至孝至仁。功存乎儒釋道教。不驕不樂。職盡乎天地水官。功德難量。神威莫測。大悲大願。大聖大慈。

九天輔元開化。主宰司祿。職貢舉真君。七曲靈應。保德宏仁大帝。談經演教。消劫行化。更生永命天尊。

蒼生經

文昌帝君祿生新經

光緒十七年六月廿八。降筆於信宜城內帝宮。

吾道德圓通。久證真位。憫憐劫運。普度羣生。職贊昊天。司仕流之桂錄。尊齊太乙。掌混元之輪迴。現九十餘化身。現身說法。歷億萬千運劫。歷劫救民。開化人間。飛鸞處處。顯迹天下。駕鶴方方。粵稽中古人心。渾樸肫誠。不道鬼神禍福。自是美醕風俗。輒念當今世運。澆漓偷薄。若非報應昭彰。焉能振發曠聾。四書

五經上智固當講求。蒙昧烏能領悟。真經寶訓。下愚  
不難上口。盲瞽亦易動心。因之懇摯陳詞。大都孝弟  
忠信。遂乃慇懃誥誡。不外禮義恥廉。理本四書五經。  
編成果報陰功。欲使賢愚共曉。著爲真經寶訓。語出  
尋常日用。庶幾孺婦皆明。演古證今。今古之間。昭如  
日月。禪惡彰善。善惡之報。爽不釐毫。大洞本願等經。  
消災證道。覺世救劫諸訓。爲善降祥。字字珠璣。始則  
引人入勝。言言錦繡。終之玉汝於成。說來地嶺俱空。  
豚蛇尚然竊聽。講到天花亂墜。頑石亦覺點頭。何以  
人爲物靈。不若禽獸之易格。士居民首。更同草木之  
無知。不思糾謬繩愆。失足已經有日。未見洗心滌慮。  
回頭更待何時。蓋由世道凌夷。愈趨愈下。人心奸詐  
越墮越深。賢聖箴規。畏也等於醜酒。仙真訓誥。輕  
之視若鴻毛。平旦鐘聲。屢呼不醒。當頭棒喝。常喚如

癡士農工商爭名逐利。憎尼流道。姦盜邪淫。文武官軍。偷安圖祿。世家巨族。鬪靡競華。口肆雌黃。心無黑白。罔遵古訓。不由舊章。誤重爲輕。舍本求末。互相倡和。彼此效尤。以陰隲爲虛誣。以仙真爲荒誕。以戒殺放生爲多事。以尋常日用爲無奇。以刀山劍樹爲莫稽。以地獄酆都爲誰試。以講說經文爲狂妄。以遵行功過爲拘迂。以奉真朝斗爲非達儒。以拜佛念經

爲八邪教。以柱聖西天爲三教之異。以上帝神祇爲萬里之遙。以口鋒舌劍爲英雄之談。以詠柳吟花爲才人之目。以鬪合爭訟爲得意之技。以酒色財氣爲養命之源。遂至職缺晨昏。孝與何在。謹乖手足。弟也無聞。事君不忠。誰思致澤。交友無信。只見詐虞。干禮僭違。忘義從慾。傷廉苟得。鮮恥厚顏。聚瀆鬼神。呵罵風雨。暴殄天物。狎侮聖賢。謫富壓貧。媚上虐下。凌

孤欺寡。道閻談閻。汗穢經書。踐殘字紙。大小斗秤。出入重輕。不教子孫。不和夫婦。不行陰薦。不信果因。鑽廁竇緣。巧詐迎合。姦婪疾狠。貪愛邪淫。責人常詳。處己每恕。罔守正道。不準法繩。罪孽滔天。腥薰滿地。水雖盡乎東海。莫濯其汗。竹縱罄乎西山。難紀其惡。玉皇震怒。羣聖生嗔。鬱結薄空。妖魔巡世。校察圖錄。運合數周。更變世人。劫將一轉。山川告匱。日月失

經。寒暑不時。陰陽乖戾。雨暘愆候。草木成災。河海漂流。地脈震動。蟲蛇作怪。人畜爲妖。邪鬼橫行。譏謗交進。虎含白晝。鬼挪黃昏。萬姓受殃。四方造孽。兵戈迭起。骸骨成山。疫癘頻仍。腦肝塗地。嬌妻美妾。頃刻黃泉。華屋良田。須臾滄海。高官厚祿。無非海市蜃樓。少女馨兒。盡是鏡花水月。夫南妻北。徒教哭破喉嚨。婦寡兒孤。但覺啼殘血淚。老弱委填溝壑。壯長已散四



方波濤汎濫郡州。煨燼復然一炬。流離奔徙身縱彼  
逃。宛轉播遷命難此免。斯時雖虔申血表。虔建齋醮。  
顛地呼天。總屬無靈。或許塑金身。許修院宇。祈神禱  
佛。終歸莫應。與其臨渴而掘。孰若未雨而繆。吾目民  
艱。關心世亂。深憫蚩蚩黎庶。苦求赫赫玉皇。大開  
方便之門。廣予再生之路。偕同闕。呂二帝。跪奏  
通明七天懇竭斯誠。准如所請。不辭勞瘁。疊爲提撕。

葆生經

復警晨鐘。重搥暮鼓。慈航再渡。望彼輩早出迷津。寶  
筏仍撐。願斯民同登覺岬。良言苦口。曾經萬喚千呼。  
吐血嘔心。何止三申四徹。亦但葫蘆依舊。無非縷晰  
五倫。縱教花樣翻新。也是詳明八目。誠恐神人幽迥。  
假木筆以傳宣。反生大眾信疑。第思靈性尚存。藉沙  
箋而教戒。尤冀羣倫悔悟。如果父慈子孝。兄愛弟恭。  
事君以忠。交友以信。禮以克己。義以及人。取不傷廉。

貧無忘恥。常惺八目。克盡五倫。服善奉行。多方宣化。誠能盡此疑也。無傷。倘或違諸。信乎何益。若或潔淨。几案。供養香花。高誦經文。遵行功過。每逢朔望。先宣四位聖號。方誦救劫寶經。重糾精神。虔盡片刻工夫。更誦葆生靈誥。誦斯一遍。滅罪消愆。遵彼六章。添福益壽。奉之一載。惡魅咸消。持之三年。吉星常照。永遠刊布。世代榮昌。終身力行。仕宦將相。或爲現存父母。

生辰莊誦。福壽康彊。更爲已往祖宗冥誕敬宣。幽魂超度。捷如響應。感若影隨。今降此經。流傳於世。所在之處。所誦之人。十萬飛天。大聖衛持。三千神仙。兵馬擁護。若爲產厄。誦之順生。若爲功名。誦之捷步。若爲商賈。誦之獲財。若爲冤家。誦之解釋。若爲子嗣。誦之從心。若爲枯枝。誦之暢茂。若爲病癒。誦之禎祥。若爲亡魂。誦之超脫。若爲軍陣。誦之不傷。若爲妖魔。誦之

立滅功難盡述事可類推。倘或始信終疑妄念生心。永幽地獄。其有前過後悔。遵行勿替。卽達天堂。設或毀謗浮言。立收充劫。如有鈔傳印送。永錫麻祥。我雖無言。誠通帝前。爾其自愛默眷。

天心爾心卽我心。心心相印。我念卽爾念。念念不忘。舉念卽來。無求不應。從心所欲。有感斯通。奉經文行。陰功勤解說。廣傳送。汝勿違吾也。膺爵秩。享富貴。慶期頤。陰子孫。吾豈負汝哉。

卷生經

十

關聖帝君讚

此讚七月初八午刻降信邑之龍山聖廟喜善經壇。

鸞音頻奏。撾來暮鼓晨鐘。鶴夢共醒。喚上慈航寶筏。確明心之寶鑑。實換骨之金丹。道不外乎庸常。事不離乎切近。議更尊於彛訓。論可當乎箴銘。高明固當奉之爲楷模。愚魯尤當遵之爲法守。自然帝德廣運。柔必彊而愚必明。不啻帝澤宏敷。存著

神而過者化。

孚佑帝君呂仙讚

文帝垂訓。經著葆生。願爾塵世。勿視爲輕。一人持誦。一身富榮。合家敬誦。七祖超昇。誦遍天下。興國太平。功德無量。信受奉行。

輔法帝君李仙讚

嘍嘍嘍。一言隻字總無差。惡人見之。髮立汗下。善者持之。錦上添花。遵行總無錯。報應亦無差。嘍嘍嘍。

普濟帝君韓仙讚

葆生這新經。爾等要細聽。功德難詳述。感應自非輕。所求隨爾願。昭彰炳日星。遵行消末劫。福祿自來并。

維新辛亥年秋中元節重刊

文昌帝君救劫保生經

玉

保生經

文昌帝君百字銘

寡慾精神爽。多思

不亂性。忍氣免傷財。

貴自辛勤得。富從儉約來。溫柔終益己。彊暴必招災。  
正直真君子。刁唆是禍胎。暗中休放箭。巧處藏些獸。  
養性須修善。欺心枉喫齋。倫常勿乖舛。族黨要和諧。  
安分身無辱。防非口莫開。畏天存一念。災退福星回。

玉山祠集善堂生等敬錄

THE UNIVERSITY OF CHICAGO LIBRARY

R 1680

A 1569

WESTGOTT

0 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

R1569

